

1

PRIMA PARS
CONTINENS EA, QUÆ AD
PROCESSVS ET ORDINEM
iudiciarum pertinent.

CONSTITVTIO

I.

De forma seu modo proponendi
ius litigatorum in iudicio.

Statuimus & ordinamus, vt deinceps in proponendo & deducendo iure suo litigatores id obseruent in iudicijs nostrarum ditionum omnibus, quod in vtroq; iudicio Curiali vel Prouinciali, tum etiam ex parte in aula nostra recepta consuetudine vsurpatur, nempe vt ante litem contestatam viua voce proponant, mutuisq; dicendi vicibus ternis repetitis, iudicis cognitioni se submittant, aut si quid contra factum fuerit, in iudicando id non attendatur.

S V M M A R I A.

1. Extensio huius Constitutionis.
2. Modus procedendi hic prescriptus, num à partibus mutari possit, presertim accedente iudicis consensu.
3. Decendum leuationibus & appellationibus presinitum extendere vel minuere, nec litigantibus nec iudici permissum.
4. Iudex nisi audita vtraq; parte, cognoscere de causa nec debet nec potest.
5. Modus procedendi in Constitutione prescriptus, tam in criminalibus causis, quam in ciuilibus seruandus.
6. Et in causis, in quibus absq; litis contestatione procedi solet.
7. Constitutio hæc ad causas metallicas non pertinet.



ONSTITVTIO prima hæc nihil aliud quàm modum seu formam prescribit, quam in proponendo iure suo à litigatoribus vult seruari. Etsi autem illius tantum

partis iudicij mentionem facit, quæ litis contestationem præcedit, eundem tamen etiam post litem contestatam obseruari Electorem voluisse, ex constitutione 9. huius eiusdem partis apparet, quæ certos tantum quosdam casus excipiens, in quibus ius suum in scriptis propo-

B